



ব্রজাঙ্গনা কাব্য

[১৮৬৪ খ্রীষ্টাব্দে মুদ্রিত দ্বিতীয় সংস্করণ হইতে]

ବ୍ରହ୍ମଜ୍ଞାନା କାବ୍ୟ

ମାହିକେଳ ସଧୁସୁଦନ ଦତ୍ତ

[୧୮୭୧ ଖ୍ରୀଷ୍ଟାବ୍ଦେ ପ୍ରଥମ ପ୍ରକାଶିତ]

ସମ୍ପାଦକ :

ବ୍ରହ୍ମେନ୍ଦ୍ରନାଥ ବଲ୍ଲଭ୍ୟାପାତ୍ୟାୟ
ଶ୍ରୀମଦ୍‌ଜନୀକାନ୍ତ ଦାସ



ବନ୍ଧୁ-ସାହିତ୍ୟ-ପରିଷଦ
୨୫୩୧, ଆଚାର୍ଯ୍ୟ ପ୍ରହରାଜେ ରୋଡ
କଲିକାତା-୬

প্রকাশক
শ্রীমদ্রজনকুমার গুপ্ত
বঙ্গীয়-সাহিত্য-পরিষৎ

প্রথম মুদ্রণ—অগ্রহায়ণ, ১৩৪৭
দ্বিতীয় মুদ্রণ—ভাদ্র, ১৩৫০
তৃতীয় মুদ্রণ—বৈশাখ, ১৩৫৩
চতুর্থ মুদ্রণ—বৈশাখ, ১৩৬৬
মূল্য—এক টাকা

মুদ্রাকর—শ্রীমদ্রজনকুমার দাস
শনিরঙ্গন প্রেস, ৫৭, ইন্ডিয়া বিখাল রোড, কলিকাতা-৩৭
১১'০—১৩৫৭৫৩

ভূমিকা

কবি মধুসূদন বাংলা কাব্য-সাহিত্যে বহুবিধ নূতন পদ্ধতির প্রবর্তক, 'ব্রজাঙ্গনা কাব্য'র রচনা-রীতিও বাংলা দেশে সম্পূর্ণ নূতন ; এগুলি সুরে গেয় মহাজন-পদাবলীও নয়, আবার পালায় বিভক্ত কবি বা পাঁচালিগানও নয়। মধুসূদন স্বয়ং এগুলিকে Ode আখ্যা দিয়াছেন। অমিত্রাক্ষর ছন্দ ও চতুর্দশপদী কবিতার মত মধুসূদন বাংলায় এই শ্রেণীর গীতি-কবিতারও জন্মদাতা। তাঁহার সৃষ্টি-প্রতিভার অবিসম্বাদিত প্রাধান্য এই সকল নূতন রীতির উপর স্থাপিত।

বহু মহাজন রাধা ও কৃষ্ণের প্রেম-বিরহ লইয়া কাব্য রচনা করিয়াছেন ; বাংলা-সাহিত্যের আদিমতম যুগ হইতে আজ পর্য্যন্ত কাব্যকারগণ এই লোভনীয় বিষয়ের মায়া ত্যাগ করিতে পারেন নাই। প্রেমিক কবি মধুসূদনও রাধাকৃষ্ণকে কেন্দ্র করিয়া কাব্য-রচনার সুর্যোগ পরিত্যাগ করেন নাই। তিনি বিচিত্র ছন্দে রাধা-বিরহের গান গাহিয়াছেন। অনেকে ইহার মধ্যে প্রাচীন পদ্ধতির সহিত গরমিল অথবা ইউরোপীয় ভাবের ছায়া দেখিয়াছেন, কিন্তু আসলে এই কাব্যের পংক্তিতে পংক্তিতে যে একটি ভাবোন্নত বাঙালী কবি-চিন্তের সংস্পর্শ আছে, তাহাও অস্বীকার করিবার উপায় নাই। সর্বাপেক্ষা বিশ্বয়ের বিষয়, মধুসূদন যখন সন্ত-আবিষ্কৃত অমিত্রাক্ষর ছন্দের পরীক্ষা করিতেছিলেন, তখনই এই সঙ্গীত-মুখর মিল-বহুল কাব্যটি রচিত হইয়াছে। কাব্য বা বিষয়ের বৈচিত্র্য-বিচার আমাদের এই ভূমিকার উদ্দেশ্য নয়। তাঁহার জীবনী ও পত্রাবলী হইতে এই পুস্তক-রচনার কাহিনী যেটুকু পাওয়া যায়, সেইটুকুই এখানে লিপিবদ্ধ হইল।

অমিত্র ছন্দে 'ভিলোস্তমাসম্ভব কাব্য' রচনার সময়ে মধুসূদন সম্ভবতঃ মুখ বদলাইবার জন্তই 'ব্রজাঙ্গনা কাব্য' রচনায় হস্তক্ষেপ করেন। তিনি এই কালে নিধু গুপ্ত, রাম বসু, হরু ঠাকুর প্রভৃতির গীতি-কাব্য ও জয়দেব-বিভাপতির পদাবলী বিশেষভাবে আলোচনা করিতেছিলেন। ১৮৬০ খ্রীষ্টাব্দের ২৪ এপ্রিল তারিখে রাজনারায়ণ বসুকে লিখিত একটি পত্রে আছে :—

I enclose the opening invocation of my "মেঘনাদ"—you must tell me what you think of it. A friend here, a good judge of poetry, has pronounced it magnificent. By the bye, I have a small volume of odes in the press. They are all about poor old Radha and her বিয়হ ! You shall have a copy as soon as the book is out of the press.

[আমার "মেঘনাদ"র প্রস্তাবনা-অংশ পাঠাইতেছি—তোমার কেমন লাগে অবশ্য জানাইবে। কবিতা সম্বন্ধে ভাল বিচারবুদ্ধিসম্পন্ন এখানকার একজন বন্ধু ইহার উচ্চ প্রশংসা করিয়াছেন। ভাল কথা, গীতি-কবিতার একটি ছোট পুস্তিকা ছাপিতে দিয়াছি ; আমাদের চিরপুরাতন বাধা ঠাকুরাণী ও তাঁহার বিয়হ লইয়া ইহা লিখিত। বইটি ছাপাখানার কবল হইতে মুক্ত হইলেই তোমাকে এক খণ্ড পাঠাইব।]

ঐ বৎসরের জুলাই [?] মাসে রাজনারায়ণকে লিখিত আর একটি পত্রে মধুসূদন বলিতেছেন :—

By the bye রাধার বিয়হ is in the press. Somehow or other, I feel backward to publish it. What have I to do with Rhyme ?

[আর এক কথা, রাধার বিয়হ ছাপা হইতেছে। কেন জানি না, বইটি প্রকাশ করিতে আমার সঙ্কোচ হইতেছে। মিত্রজন্দের ব্যাপারে আমি কেন থাকি ?]

ইহা হইতে স্পষ্ট বুঝা যায় যে, 'ব্রজাঙ্গনা কাব্য' মধুসূদন অন্তরের আবেগেই লিখিয়াছিলেন। নূতন পরীক্ষার জন্ম নয়। লিখিয়া তাঁহার লজ্জাবোধ হইয়াছিল। এই ক্ষুদ্র কাব্যটি সম্বন্ধে তাঁহার বিশেষ মমতা যে ছিল, এরূপও মনে হয় না ; যদিও ইহার কিছু দিন পরেই তিনি রাজনারায়ণকে লিখিয়াছিলেন—

Have you received a copy the Odes (Brajangana)? Pray, why then are you silent? Some fellows here pretend to be enchanted with them.

[গীতিকবিতাগুলির (ব্রজাঙ্গনার) এক খণ্ড তোমার হাতে পৌঁছিয়াছে কি ? দোহাই তোমার, পাইয়া থাকিলে সে সম্বন্ধে নীরব থাকিও না। এখানকার কেহ কেহ উহা পড়িয়া মোহিত হইয়া দিয়াছে, এরূপ ভাব দেখাইতেছে।]

ইহাতে আগ্রহের অপেক্ষা কোতুক বেশী। ১৮৬১ খ্রীষ্টাব্দের ২৯ আগস্ট তারিখের একটি পত্রে (রাজনারায়ণকে লিখিত) এই মনোভাব স্পষ্টতর হইয়া উঠিয়াছে :—

I think you are rather cold towards the poor lady of Brajal Poor man ! When you sit down to read poetry, leave aside all religious bias. Besides, Mrs. Radha is not such a bad woman after all. If she had a "Bard" like your humble servant from the beginning, she would have been a very different character. It is the vile imagination of poetasters that has painted her in such colours.

[মনে হইতেছে, ব্রজের অঙ্গনা বেচারাকে তুমি উপেক্ষাই করিয়াছ। হায় হতভাগ্য ! কবিতা-পাঠের সময় ধর্মের সংস্কার শিকায় তুলিয়া রাখিতে হয়। তা ছাড়া, শ্রীমতী রাধা মোটের উপর তেমন মন্দ লোক নন। যদি স্কন্ধ হইতে এই অধীনের মত একজন চারণ তাঁহার স্মৃতি, তাহা হইলে তাঁহার চরিত্র ভিন্নরূপ দেখিতে পাইতে। তথাকথিত কবিদের দুষ্ট কল্পনাই তাঁহাকে এরূপ রঙে চিত্রিত করিয়াছে।]

এই পত্র হইতেই বুঝা যায়, মধুসূদন ব্রজাঙ্গনা বলিতে রাধাকেই বুঝিয়াছেন। 'ব্রজাঙ্গনা কাব্য' রাধা-বিরহের কাব্য।

ব্রজাঙ্গনার প্রকাশ সম্বন্ধে মধুসূদনের চিঠিতে নিম্নলিখিত মন্তব্যটুকু মাত্র পাওয়া যায়। এই পত্রটিও রাজনারায়ণ বসুকে লিখিত।

The "Odes" are out, and I have requested Baboo Baikuntanath Dutta (a co-religionist of yours) who is the proprietor of the copy-right, to send you a copy.

[গীতিকবিতাগুলি প্রকাশিত হইয়াছে। এই পুস্তকের স্বত্বাধিকারী বাবু বৈকুণ্ঠনাথ দত্তকে (তোমার সমধর্মী) ইহার একখণ্ড তোমার কাছে পাঠাইবার জন্য অনুরোধ করিয়াছি।]

এই বৈকুণ্ঠনাথ দত্ত সম্বন্ধে সামান্য খবর 'জ্যোতিরিন্দ্রনাথের জীবন-স্মৃতি'তে আছে। তিনি বলিতেছেন :—

মাইকেল মধুসূদন দত্ত মহাশয় কিরূপ মহত্বয় ব্যক্তি ছিলেন, তাহার একটা ধটনা বলিতেছি। বৈকুণ্ঠনাথ দত্ত নামে আমারদের একজন পরিচিত এক অল্পবয়স্ক লোক ছিলেন। তিনি সর্বদাই তাঁর টাকে হাত বুলাইতেন এবং ব্যবসা সর্বদা নানাবিধ মতলব খাটিতেন। কিন্তু কোন ব্যবসায়েরই তিনি লাভবান হইতে পারেন নাই। যে কাবেই তিনি হস্তক্ষেপ করিয়াছেন, তাহাতেই ক্ষতিগ্রস্ত হইয়াছেন। কিন্তু এ দিকে তিনি একজন প্রকৃত কাব্যরসিক ও মনোজ ব্যক্তি ছিলেন। মাইকেলের নিকট হইতে "ব্রজাঙ্গনা" কাব্যের পাণ্ডুলিপি লইয়া পড়িয়া অবধি, তিনি মাইকেলের প্রতিশ্রুতি অনুসরণ করিয়া পড়েন; "ব্রজাঙ্গনা" পড়িয়া তিনি মুগ্ধ হইয়া পিরাঙ্কিত হইলেন। মাইকেল

তাহাই জানিতে পারিয়া—“ব্রজবন্দ্য”র সর্বস্বত্ব স্বয়ং (copyright) সেই পাণ্ডুলিপি অবস্থাতেই বৈকুণ্ঠবাবুকে দান করেন। বৈকুণ্ঠবাবু নিজ-ব্যয়ে কাব্যখানি প্রথম প্রকাশ করেন।—পৃ. ৩৭-৩৮।

বৈকুণ্ঠনাথ দত্ত প্রথম সংস্করণের পুস্তকে একটি “বিজ্ঞাপন” লিখিয়া-
ছিলেন। এই বিজ্ঞাপনের তারিখ ২৮ আষাঢ়, ১২৬৮; অর্থাৎ ১৮৬১
খ্রীষ্টাব্দের জুলাই মাসের মাঝামাঝি ইহা পুস্তকাকারে প্রকাশিত হইয়া-
ছিল। প্রথম সংস্করণের আখ্যাপত্র এইরূপ—

ব্রজবন্দ্য কাব্য। / কবিবর শ্রীমুক্ত মাইকেল মধুসূদন দত্ত / প্রণীত। /
গোপীভণ্ডুবিম্ববিধুরা— / উন্নতভব—” পদাঙ্কদত্ত। / শ্রী আনন্দ, এম্, বহু
কোম্পানী কর্তৃক / প্রকাশিত। / কলিকাতা হুচার স্ট্রায়ে শ্রীলালচাঁদ বিশ্বাস
এণ্ড কোম্পানী / কর্তৃক বাহির মুদ্রাপুর ১৩ সখ্যাক / ভবনে মুদ্রিত।
/ ১৮৬১। /

প্রথম সংস্করণের “বিজ্ঞাপন”টিও ছবল উদ্ধৃত হইল—

বিজ্ঞাপন।

কবিবর শ্রীমুক্ত মাইকেল মধুসূদন দত্তজ মহাশয়ের কাব্যাদি রচনা করিবার
যে প্রকার অদ্ভুতশক্তি, তাহা তৎপ্রণীত অভ্যন্ন কাল-সমুত্ত “শম্বিষ্ঠা,”
“পদ্মাবতী” ও “কৃষ্ণকুমারী” নাটক, “একেই কি বলে সভ্যতা?,” “বুড়
সালিকের ঘাড়ে রোঁয়া,” অমিত্রাক্ষর “তিলোত্তমাসম্ভব” এবং “যেঘনাদবধ
কাব্য” প্রত্যেক প্রমাণ প্রদান করিতেছে; আমি তাহার কি বর্ণন করিব?
তিনি শেযোক্ত দুইখানি গ্রন্থ রচনা করিয়া যে বাঙ্গলা ভাষায় একটি নূতন
কাব্য রচনার পথ প্রদর্শন করিয়াছেন, ইহা অবশ্যই স্বীকার করিতে হইবেক।

তাঁহার অমিত্রাক্ষর কবিতা রচনাতে বাদ্য অহুরাগ মিত্রাক্ষরে কিছু
সেক্সপ নাই বটে; তথাপি তিনি যে প্রণালীতে এই ক্ষুদ্র কাব্যখানি রচনা
করিয়াছেন, ইহাতে তাঁহার মিত্রাক্ষর উত্তরায়ক অক্ষরেই তদ্রচনার ক্ষমতা
প্রতিপন্ন করিতেছে।

শ্রীকৃষ্ণের লীলা বিষয়ে শ্রীমতী রাধিকার প্রেম প্রসঙ্গে অনেকেই অনেক
প্রকার কাব্য রচনা করিয়া গিয়াছেন ও করিতেছেন, কিন্তু বাঙ্গলা ভাষায়-
এরূপ নূতন ছন্দ ও সূক্ষ্ম নবভাব পরিপূর্ণিত কবিতা এ পর্যন্ত কেহই রচনা
করেন নাই বোধ হয়।

সদয়কল্প কবিবর দত্তজ মহোদয় স্বীয় বহাভ্যন্তা ও উদারভাষণে এই
গ্রন্থখানির স্বস্বাধিকার পরিত্যাগ করিয়া এককালে আমাকে দান করিয়াছেন।
আমি তদীয় লাভ ও মহৎকণ দান এই গ্রন্থখানি কীর্তনপূর্বক তাঁহার নিকট

কৃতজ্ঞতা স্বীকার করত কবরভাঙ্গা হিত শ্রীযুক্ত আর. এম. বর কোম্পানী দ্বারা এই গ্রন্থখানি প্রকাশ করিলাম।

আপাততঃ এই গ্রন্থখানির 'বিয়হ' বিষয়টি ১৮টি প্রস্তাবে প্রথম সর্গে প্রকাশিত হইল; বহি পাঠকমণ্ডলীর নিকটে কাহালিনী ব্রজাঙ্গনাকে সুবধুরভাবিণীরূপে সমাদৃত হইতে দেখা যায়, তাহা হইলে গ্রন্থকারের প্রসঙ্গাঙ্কল্য এবং প্রকাশকের ব্যয়ের সার্থকতা জ্ঞান করত সোৎসুকচিত্তে শ্রীনন্দের নন্দন শ্রীকৃষ্ণের সহিত বুকভাঙ্গনশ্বিনী শ্রীমতী রাধিকার সন্মিলন, সন্তোষাদি বিষয় ক্রমশঃ সর্গান্তর হইতে সর্গান্তরে প্রকটনপূর্বক ব্রজাঙ্গনাকে সর্বদাসৌঠবাঘিতা করিতে যত্ববান হইব ইতি।

কলিকাতা
২৮ আবার্ ১২৬৮।

শ্রীবৈকুণ্ঠনাথ দত্ত

পুনশ্চ : গ্রন্থের স্বত্বাধিকার রক্ষার জন্ত যে রাজনীয়ম প্রচলিত আছে, সেই নিয়মানুসারে এই গ্রন্থখানি রেজেষ্টরী করিলাম।

“অমিত্রাক্ষর কবিতা রচনাতে অনুরাগ” সম্বন্ধে মধুসূদন এই ছন্দোবদ্ধ গাথাগুলি রচনা করিয়া বিশেষ আশ্বপ্রসাদ লাভ করিয়াছিলেন। গতানু-
গতিক পয়ার ও ত্রিপদীর মোহ এড়াইয়া তিনি নিজের আবিষ্কৃত (নানা
ছন্দের সংমিশ্রণে) ছন্দ-স্তবক-পদ্ধতির পরীক্ষায় 'ব্রজাঙ্গনা কাব্য'
কাঁদিয়াছিলেন। ১৮৬০ খ্রীষ্টাব্দের ১৪ জুলাই তারিখে তিনি রাজনারায়ণ
বন্দুকে লিখিয়াছিলেন :—

I have made up my mind to write (Deo volente !) three short poems in Blank-verse, and then do something in rhyme ; don't fancy I am going to inflict পয়ার and ত্রিপদী on you. No ! I mean to construct a stanza like the Italian Ottava Rima and write a romantic tale in it....

[ভগবান্ বহি বিরূপ না হন, অমিত্রাক্ষরে তিনটি ছোট কবিতা এবং পরে মিত্রাক্ষরে কিছু লিখিতে মনস্থ করিয়াছি ; তোমাদের উপর পয়ার ও ত্রিপদীর বোঝা চাপাইব, এরূপ কল্পনা করিও না। ইতালীর অষ্টাভা রিমার আদর্শে ছন্দ-স্তবক সৃষ্টি করিয়া তাহাতেই একটি প্রেমের গল্প লিখিতে চাই।]

এই কার্য যে তিনি নিজের অভিপ্রায়ানুযায়ী করিয়া বাইতে পারিয়াছিলেন, রাজনারায়ণের নিকট লিখিত পরবর্তী চিঠিতেই তাহার প্রমাণ আছে :—

How [Here ?] you are, old boy, a Tragedy, a volume of Odes, one half of a real Epic poem ! All in the course of one year ; and that year only half old !

[বন্ধু, দেখিতেছ ত—একটি বিরোধাত্মক নাটক, একটি পৌত্তিকবিভা-সংগ্রহ এবং খাটি মহাকাব্যের আধখানা—সমস্তই এক বছরে ! এক বছর কেন, ছয় মাসে !]

প্রথম সংস্করণের “বিজ্ঞাপনে” এই কাব্যের অগ্ৰাণ্ড সর্গ প্রকাশের উল্লেখ আছে। মধুসূদন রাখা-বিরহ আরও খানিকটা লিখিতে আরম্ভ করিয়াছিলেন ; দুঃখের বিষয়, তিনটি স্তবকের বেশী তিনি অগ্রসর হইতে পারেন নাই। এই অংশও আমরা গ্রন্থশেষে সংযোজন করিলাম।

দুঃখ শব্দ ও বাক্যাংশের অর্থ এবং অগ্ৰাণ্ড প্রয়োজনীয় মন্তব্য “পরিশিষ্টে” প্রদত্ত হইল।

মধুসূদনের জীবিতকালে ‘ব্রজাঙ্গনা কাব্য’র দুইটি সংস্করণ প্রকাশিত হয়। প্রথম সংস্করণের প্রকাশকাল ১৮৬১ খ্রীষ্টাব্দ। দ্বিতীয় সংস্করণ প্রকাশিত হয় ১৮৬৪ খ্রীষ্টাব্দে। ইহা “শ্রীযুত ঈশ্বরচন্দ্র বসু কোং বহুবাজারস্থ ১৮২ সংখ্যক ভবনে ষ্ট্যানহোপ্ যন্ত্রে যন্ত্রিত” হয়। ইহারও পৃষ্ঠা-সংখ্যা ৪৬। প্রথম সংস্করণের বিজ্ঞাপন ইহাতে পরিত্যক্ত হইয়াছে ; প্রকাশকেরও পরিবর্তন ঘটিয়াছে। অগ্ৰাণ্ডায় ইহা প্রথম সংস্করণেরই পুনর্মুদ্রণ ; দুই একটি শব্দ পরিবর্তিত ও কয়েকটি বর্ণাশুদ্ধি সংশোধিত হইয়াছে মাত্র।

ব্রজাঙ্গনা কাব্য

প্রথম সর্গ

[বিরহ]

১

কংশী-ধ্বনি

১

নাচিছে কদম্বমূলে,

রাধিকারমণ !

বাজায়ে মুরলী, রে,

চল, সখি, হরা করি,

ব্রজের রতন !

দেখিগে প্রাণের হরি,

চাতকী আমি স্বজনি,

কেমনে ধৈর্য ধরি থাকি লো এখন ?

শুনি জলধর-ধ্বনি

যাক মান, যাক কুল,

মন-তরী পাবে কুল ;

চল, ভাসি প্রেমনীরে, ভেবে ও চরণ !

২

মানস সরসে, সখি,

কমল কাননে !

ভাসিছে সরসাল, রে,

কমলিনী কোন্ হলে,

বকিয়া রমণে ?

ধাক্কাবে ডুবিয়া জলে,

যে যাহারে ভাল বাসে, সে যাইবে তার পাশে—
 মদন রাজার বিধি লজ্জিব কেমনে ?
 যদি অবহেলা করি, রুধিবে শঙ্কর-অরি ;
 কে সঙ্ঘরে স্বর-শরে এ তিন ভুবনে !

৩

ওই শুন, পুনঃ বাজে মঞ্জাইয়া মন, রে,
 মুরারির বাঁশী !
 সুমন্দ মলয় আনে ও নিনাদ মোর কানে—
 আমি শ্যাম-দাসী ।
 জলদ গরজে যবে, ময়ূরী নাচে সে রবে ;—
 আমি কেন না কাটিব শরমের কাঁসি ?
 সৌদামিনী ঘন সনে, ভ্রমে সদানন্দ মনে ;—
 রাধিকা কেন ত্যজিবে রাধিকাবিলাসী ?

৪

ফুটিছে কুসুমকুল মঞ্জু কুঞ্জবনে, রে,
 যথা গুণমণি !
 হেরি মোর শ্যামচাঁদ, পীরিতের ফুল-কাঁদ,
 পাতে লো ধরণী !
 কি লজ্জা ! হা ধিক্ তারে, ছয় ঋতু বরে যারে,
 আমার প্রাণের ধন লোভে সে রমণী ?
 চল, সখি, শীঘ্র যাই, পাছে মাধবে হারাই,—
 মণিহারী ফণিনী কি বাঁচে লো স্বজনি ?

৫

সাগর উদ্দেশে নদী ভ্রমে দেশে দেশে, রে,
 অবিরাম গতি ;—
 গগনে উদ্দিলে শশী হাসি যেন পড়ে খসি,
 নিশি রূপবতী ;

লক্ষণ লক্ষণা হয়ে,

হাসি প্রাণনাথে লয়ে

তুখিছে ভাষার দিয়ে ঘন আলিঙ্গন ।

৩

নাচিছে শিখিনী সুখে কেকা রব করি,

হেরি ব্রজ কুঞ্জবনে,

রাধা রাধাপ্রাণধনে,

নাচিত যেমতি যত গোকুল সুন্দরী ।

উড়িতেছে চাতকিনী

শূক্ৰপথে বিহারিণী

জয়ধ্বনি করি ধনী—জলদ-কিঙ্করী !

৪

হায় রে কোথায় আজি শ্যাম জলধর ।

তব প্রিয় সৌদামিনী,

কাঁদে নাথ একাকিনী

রাধারে ভুলিলে কি হে রাধামনোহর ?

রত্নচূড়া শিরে পরি,

এস বিশ্ব আলো করি,

কনক উদয়াচলে যথা দিনকর !

৫

তব অপরূপ রূপ হেরি, গুণমণি,

অভিমাণে ঘনেশ্বর

যাবে কাঁদি দেশান্তর,

আখণ্ডল-ধনু লাজে পালাবে অমনি ;

দিনমণি পুনঃ আসি

উদিবে আকাশে হাসি ;

রাধিকার সুখে সুখী হইবে ধরনী ;

৬

নাচিবে গোকুল নারী, যথা কমলিনী

নাচে মলয়-হিল্লোলে

সরসী-রূপসী-কোলে,

রুণু রুণু মধু কোলে বাজারে কিঙ্কিনী !

কলাইও ফুলস্বনে

এ কাশীরে তব মনে

তুমি নব জলধর এ তব অধীনী !

৭

অরে অরুণা অর কি রে হবি কলকলী ?
 আর কি পাইব তারে সদা প্রাণ চাহে যারে
 পতি-হারি রতি কি লো পাবে রতি-পতি ?
 মধু কহে হে কামিনী, আশা মহামায়াবিনী !
 মরীচিকা কার ছুঁবা কবে তোবে সতি ?

৩

যমুনাতটে

১

যুহু কলরবে তুমি, ওহে শৈবলিনি,
 কি কহিছ ভাল করে কহ না আমারে ।
 সাগর-বিরহে যদি, প্রাণ তব কাঁদে, নদি,
 তোমার মনের কথা কহ রাধিকারে—
 তুমি কি জান না, ধনি, সেও বিরহিণী ?

তপনতনয়া তুমি ; তেঁই কাদস্বিনী
 পালে তোমা শৈলনাথ-কাঞ্চন-ভবনে ;
 জন্ম তব রাজকূলে, (সৌরভ জনমে ফুলে)
 রাধিকারে লজ্জা তুমি কর কি কারণে ?
 তুমি কি জান না সেও রাজার নন্দিনী ?

৩

এস, সখি, তুমি আমি বসি এ বিরলে !
 হৃদনের মনোআলা জুড়াই হৃদনে ;
 তব কূলে, কল্লোলিনি, আমি আমি একাকিনী,
 অনাথা অস্তিত্বি আমি তোমার মননে—
 তিত্তিহে মলক মোর নরনের জলে !

৪

কেলিয়া দিয়াছি আমি যত অলঙ্কার—
রতন, মুকুতা, হীরা, সব আভরণ !
ছিঁড়িয়াছি ফুল-মালা জুড়াতে মনের জ্বালা,
চন্দন চর্চিত দেহে ভ্রমের লেপন !
আর কি এ সবে সাদ আছে গো রাখার ?

৫

তবে যে সিন্দূরবিন্দু দেখিছ ললাটে,
সধবা বলিয়া আমি রেখেছি ইহারে !
কিন্তু অগ্নিশিখা সম, হে সখি, সীমন্তে মম
জ্বলিছে এ রেখা আজি—কহিহু তোমারে—
গোপিলে এ সব কথা প্রাণ যেন ফাটে !

৬

বসো আসি, শশিমুখি, আমার আঁচলে,
কমল আসনে যথা কমলবাসিনী !
ধরিয়া তোমার গলা, কাঁদি লো আমি অবলা.
ক্ষণেক ভুলি এ জ্বালা, ওহে প্রবাহিণি !
এস গো বসি হৃদয়ে এ বিজন স্থলে !

৭

কি আশ্চর্য্য ! এত করে করিহু মিনতি,
তবু কি আমার কথা শুনিলে না, ধনি ?
এ সকল দেখে শুনে, রাখার কপাল-গুণে,
তুমিও কি ছুণিলা গো রাখায় স্বজনি ?
এই কি উচিত তব, ওহে শ্রোতস্বতি ?

৮

হায় রে তোমারে কেন দোষি, ভাগ্যবতি ?
ভিখারিণী রাখা এবে—তুমি রাজরাণী !

হরপ্রিয়া মন্দাকিনী, সুভগে, তব সজিনী,
 অর্পেন সাগর-করে তিনি তব পানি !
 সাগর-বাসরে তব তাঁর সহ গতি !

মুছ হাসি নিশি আসি দেখা দেয় যবে,
 মনোহর সাজে তুমি সাজ লো কামিনী ।
 তারাময় হার পরি, শশধরে শিরে ধরি,
 কুসুমদাম কবরী, তুমি বিনোদিনী,
 ক্রতগতি পতিপাশে যাও কলরবে ।

১০

হায় রে এ ব্রজে আজি কে আছে রাধার
 কে জানে এ ব্রজজনে রাধার যাতন ?
 দিবা অবসান হলে, রবি গেলে অস্তাচলে,
 যদিও ঘোর তিমিরে ডোবে ত্রিভুবন,
 নলিনী যেমনি জ্বলে—এত জ্বালা কার ?

১১

উচ্চ তুমি নীচ এবে আমি হে যুবতি,
 কিন্তু পর-ছঃখে ছঃখী না হয় যে জন,
 বিফল জনম তার, অবশ্য সে ছরাচার ।
 মধু কহে, মিছে ধনি করিছ রোদন,
 কাহার হৃদয়ে দয়া করেন বসতি ?

৪

ময়ূরী

১

তরুশাখা উপরে, শিখিনি,
 কেনে লো বসিয়া তুই বিরস বদনে ?

মুকুলন-প্রার্থনা

না হেরিয়া শ্রামচন্দ্রে, ভেদও কি পরাশ হাঁদে,
তুইও কি স্থাধিনী !
আহা ! কে না ভালবাসে রাধিকারমণে ?
কার না জুড়ায় আঁধি শশী, বিহঙ্গিনি ?

২

আয়, পাখি, আমরা ছুজনে
গলা ধরাধরি করি ভাবি লো নীরবে ;
নবীন নীরদে প্রাণ, তুই করেছিস্ দান—
সে কি তোর হবে ?
আর কি পাইবে রাখা রাধিকারজনে ?
তুই ভাব্ ঘনে, ধনি, আমি জীমাধবে !

৩

কি শোভা ধরয়ে জলধর,
গভীর গরজি যবে উড়ে সে গগনে !
স্বর্ণবর্ণ শত্রু-ধনু— রতনে খচিত তনু—
চুড়া শিরোপর ;
বিজলী কনক দাম পরিয়া যতনে,
মুকুলিত লতা যথা পরে তরুণর !

৪

কিস্ত ভেবে দেখ্ লো কামিনি,
মম শ্রাম-রূপ অনুপম জিহুবনে !
হায়, ও রূপ-মাধুরী, কার মন নাহি চুরি,
করে, রে শিখিনি !
যার আঁধি দেখিয়াছে রাধিকামোহনে,
সেই জানে কেনে রাখা কুলকলসিনী !

তরুশাখা উপরে, শিখিনি,
 কেনে লো বসিয়া তুই বিরসবদনে ?
 না হেরিয়া শ্রামচাঁদে, তোরও কি পরাণ কাঁদে,
 তুইও কি ছুঃখিনী ?
 আহা ! কে না ভালবাসে শ্রীমধুসূদনে ?
 মধু কহে, যা কহিলে, সত্য বিনোদিনি !

৫

পৃথিবী

১

হে বসুধে, জগৎজননি !
 দয়াবতী তুমি, সতি, বিদিত ভুবনে !
 যবে দশানন অরি,
 বিসর্জিলা হুতাশনে জানকী সুন্দরী,
 তুমি গো রাখিলা বরাননে ।
 তুমি, ধনি, দ্বিধা হয়ে, বৈদেহীরে কোলে লয়ে,
 জুড়ালে তাহার জ্বালা বাসুকি-রমণি !

২

হে বসুধে, রাখা বিরহিণী !
 তার প্রতি আজি তুমি বাম কি কারণে ?
 শ্রামের বিরহানলে, সুভগে, অভাগা জ্বলে,
 তারে যে কর না তুমি মনে ?
 পুড়িছে অবলা বালা, কে সম্বরে তার জ্বালা,
 হায়, এ কি রীতি তব, হে ঋতুকামিনি !

৩

শমীর জ্বলন্তে অগ্নি জ্বলে—
 কিন্তু সে কি বিরহ-অনল, বনুহরনে ?
 তা হলে বন-শোভিনী
 জীবন যৌবনতাপে হারাত তাপিনী—
 বিরহ ছুঁহ ছুঁহে হরে !
 পুড়ি আমি অভাগিনী, চেয়ে দেখ না মেদিনী,
 পুড়ে যথা বনস্থলী ঘোর দাবানলে ।

৪

আপনি তো জান গো ধরণি
 তুমিও তো ভালবাস ঋতুকুলপতি !
 তার শুভ আগমনে
 হাসিয়া সাজহ তুমি নানা আভরণে—
 কামে পেলো সাজে যথা রতি !
 অলকে বলকে কত ফুল-রত্ন শত শত !
 তাহার বিরহ ছুঁখ ভেবে দেখ, ধনি !

৫

লোকে বলে রাখা কলঙ্কিনী !
 তুমি তারে ঘৃণা কেনে কর সীমস্তিনি ?
 অনন্ত, জলধি নিধি—
 এই ছই বরে তোমা দিয়াছেন বিধি,
 তবু তুমি মধু বিলাসিনী !
 শ্রাম মম প্রাণ স্বামী— শ্রামে হারিয়েছি আমি,
 আমার ছুঁখে কি তুমি হও না ছুঁখিনী ?

হে মহি, এ অবোধ পলাণ
 কেমনে কৰিব স্থির কহ গো আমাৰে ?
 বসন্তরাজ বিহনে
 কেমনে বাঁচ গো তুমি—কি ভাবিয়া মনে—
 শেখাও সে সব রাধিকাৰে !
 মধু কহে, হে সুন্দরি, থাক হে ধৈর্য ধরি,
 কালে মধু বসুধাৰে করে মধুদান !

৬

প্রতিধ্বনি

১

কে তুমি, শ্ৰামেৰে ডাক রাখা যথা ডাকে—
 হাহাকার হবে ?
 কে তুমি, কোন্ যুবতী, ডাক এ বিৰলে, সতি,
 অনাথা রাধিকা যথা ডাকে গো মাথবে ?
 অভয় হৃদয়ে তুমি কহ আসি মোৰে—
 কে না বাঁধা এ জগতে শ্ৰাম-প্ৰেম-ডোৰে !

২

কুয়ুদিনী কায়, মনঃ সঁপে শশধৰে—
 ভুবনমোহন !
 চকোৱী শশীৰ পাশে, আসে সদা সুখা আশে,
 নিশি হাসি বিহাৰয়ে লয়ে সে রতন ;
 এ সকল দেখিয়া কি কোপে কুয়ুদিনী ?
 স্বজনী উভয় ভাৱ—চকোৱী, বামিনী !

৩

বুঝিলাম এতক্ষণে কে তুমি ডাকিছ—
আকাশ-নন্दिनि !

পৰ্বত গহন বনে, বাস তব, বরাননে,
সদা রক্তরসে তুমি রত, হে রঞ্জিনি !
নিরাকারা ভারতি, কে না জানে তোমারে ?
এসেছ কি কাঁদিতে গো লইয়া রাধারে ?

৪

জানি আমি, হে স্বজনি, ভাল বাস তুমি,
মোর শ্যামধনে !
শুনি মুরারির বাঁশী, গাইতে তুমি গো আসি,
শিখিয়া শ্যামের গীত, মঞ্জু কুঞ্জবনে !
রাধা রাধা বলি যবে ডাকিতেন হরি—
রাধা রাধা বলি তুমি ডাকিতে সুন্দরি !

৫

যে ব্রজে শুনিতে আগে সঙ্গীতের ধ্বনি
আকাশসম্ভবে,
ভূতলে নন্দনবন, আছিল যে বৃন্দাবন,
সে ব্রজ পূরিছে আজি হাহাকার রবে !
কত যে কাঁদে রাধিকা কি কব, স্বজনি,
চক্রবাকী সে—এ তার বিরহ রজনী !

৬

এস, সখি, তুমি আমি ডাকি হই জনে
রাধা-বিনোদন ;

যদি এ দাসীর রব, কুরব ভেবে মাধব
না শুনেন, শুনিবেন তোমার বচন !
কত শত বিহঙ্গিনী ডাকে ঋতুবরে—
কোকিলা ডাকিলে তিনি আসেন সহরে !

৭

না উত্তরি মোরে, রামা, যাহা আমি বলি,
তাই তুমি বল ?
জানি পরিহাসে রত, রঞ্জিনি, তুমি শতত,
কিন্তু আজি উচিত কি তোমার এ ছল ?
মধু কহে, এই রীতি ধরে প্রতিধ্বনি,—
কাঁদ, কাঁদে ; হাস, হাসে, মাধব-রমণি !

১

উষা

১

কনক উদয়াচলে তুমি দেখা দিলে,
হে সুর-সুন্দরি !
কুমুদ মুদয়ে আঁখি, কিন্তু সুখে গায় পাখী,
গুঞ্জরি নিকুঞ্জে ভ্রমে ভ্রমর ভ্রমরী ;
বরসরোজিনী ধনী, তুমি হে তার স্বজনী,
নিত্য তার প্রাণনাথে আন সাথে করি !

২

তুমি দেখাইলে পথ যায় চক্রবাকী
যথা প্রাণপতি !
ব্রজাঙ্গনে দয়া করি, লয়ে চল যথা হরি,
পথ দেখাইয়া তারে দেহ শীতগতি !

কাঁদিয়া কাঁদিয়া আঁধা, আজি গো শ্যামের রাধা,
ঘুচাও আঁধার ভার, হৈমবতি সতি !

৩

হায়, উষা, নিশাকালে আশার স্বপনে
ছিলাম ভুলিয়া,
ভেবেছিহু তুমি, ধনি, নাশিবে ব্রজ রজনী,
ব্রজের সরোজরবি ব্রজে প্রকাশিয়া !
ভেবেছিহু কুঞ্জবনে পাইব পরাণধনে,
হেরিব কদম্বমূলে রাধা বিনোদিয়া !

৪

মুকুতা-কুণ্ডলে তুমি সাজাও, ললনে,
কুমুমকামিনী ;
আন মন্দ সমীরণে বিহারিতে তার সনে,
রাধা বিনোদনে কেন আন না, রঞ্জিণি ?
রাধার ভূষণ যিনি, কোথায় আজি গো তিনি ?
সাজাও আনিয়া তাঁরে রাধা বিরহিণী !

৫

ভালে ভব জলে, দেবি, আভামর মণি—
বিমল কিরণ ;
ফণিনী নিজ কুন্ডলে পরে মণি কুড়ুলে—
কিন্তু মণি-কুলরাজা ব্রজের রজন !
মধু কহে, ব্রজাঙ্কনে, এই লাগে মোর মনে—
কুন্ডলে অফুল মণি ক্রীমধুসূদন !

কুসুম

১

কেনে এত ফুল তুলিলি, স্বজনি—
 ভরিয়া ডালা ?
 মেঘাবৃত হলে, পরে কি রজনী
 তারার মালা ?
 আর কি যতনে, কুসুম রতনে
 ব্রজের বালা ?

২

আর কি পরিবে কভু ফুলহার
 ব্রজকামিনী ?
 কেনে লো হরিলি ভূষণ লতার—
 বনশোভিনী ?
 অলি বঁধু তার ; কে আছে রাখার—
 হতভাগিনী ?

৩

হার লো দোলাবি, সখি, কার গলে
 মালা গাঁথিয়া ?
 আর কি নাচে লো তমালের তলে
 বনমালিয়া ?
 প্রেমের পিজর, ভাঙি পিকবর,—
 গেছে উড়িয়া !

৪

আর কি বাজে লো মনোহর বাঁশী
 নিকুঞ্জ ধনে ?

মধুসূদন-প্রহাষিনী

ব্রজ সুধানিধি শোভে কি লো হাসি,
 ব্রজগগনে ?
 ব্রজ কুমুদিনী, এবে বিলাপিনী
 ব্রজভবনে !

৫

হায় রে যমুনে, কেনে না ডুবিল
 তোমার জলে
 অদয় অক্রুর, যবে সে আইল
 ব্রজমণ্ডলে ?
 ক্রুর দূত হেন, বধিলে না কেন
 বলে কি ছলে ?

৬

হরিল অধম মম প্রাণ হরি
 ব্রজরতন !
 ব্রজবনমধু নিজ ব্রজ অরি,
 দলি ব্রজবন ?
 কবি মধু ভণে, পাবে, ব্রজাঙ্গনে,
 মধুসূদন !

৯


মলয় মারুত

১

শুনেছি মলয় গিরি তোমার আলায়—
 মলয় পবন !

বিহঙ্গিনীগণ তথা গাহে বিজ্ঞাধরী যথা,
 সঙ্গীত সুধায় পূরে নন্দন কানন ;

কুম্ভকামিনী, কোমলা কমলী জিনি,
সেবে তোমা, রতি যথা সেবেন মদন !



২

হার, কেনে ব্রজে আজি ভ্রমিছ হে তুমি—
মন্দ সমীরণ ?

যাও সরসীর কোলে, দোলাও মৃৎ হিল্লোলে
সুপ্রফুল্লনলিনীয়ে—প্রেমানন্দ মন !

ব্রজ-প্রভাকর যিনি, ব্রজ আজি ত্যজি তিনি,
বিরাজেন অস্তাচলে—নন্দের নন্দন !

৩

সৌরভ রতন দানে তুমিবে তোমারে
আদরে নলিনী ;

তব তুল্য উপহার কি আজি আছে রাখার ?
নয়ন আসারে, দেব, ভাসে সে হৃৎখিনী !

যাও যথা পিকবধু— বরিষে সঙ্গীত-মধু,—
এ নিকুঞ্জে কাঁদে আজি রাখা বিরহিণী !

৪

তবে যদি, সুভগ, এ অভাগীর হৃৎখে
হৃৎখী তুমি মনে,

যাও আশু, আশুগতি, যথা ব্রজকুলপতি—
যাও যথা পাবে, দেব, ব্রজের রতনে !

রাখার রোদনধ্বনি বহ যথা শ্রামমণি—
কহ তাঁরে মরে রাখা শ্রামের বিহনে !

৫

যাও চলি, মহাবলি, যথা বনমালী—
রাধিকা-বাসন ;

তুমি শূন্য হইমতি, রোধে যদি তব গতি,
 মোর অঙ্গুরোধে তারে ভেঙে, প্রভজন !
 তরুরাজ যুদ্ধ আশে, তোমারে যদি সম্বোধে—
 বজ্রাঘাতে যেও তার করিয়া দলন ।

৬

দেখি তোমা পীরিতের কাঁদ পাতে যদি
 নদী রূপবতী ;
 মজ্জো না বিজ্রমে তার, তুমি হে দূত রাধার,
 হেরো না, হেরো না দেব কুম্ভম যুবতী !
 কিনিতে তোমার মন, দিবে সে সৌরভধন,
 অবহেলি সে ছলনা, যেয়ো আশুগতি !

৭

শিশিরের নীরে ভাবি অঞ্জবারিধাবা,
 ভুলো না, পবন !
 কোকিলা শাখা উপরে, ডাকে যদি পঞ্চস্বরে,
 মোর কিরে শীঘ্র করে ছেড়ে সে কানন !
 স্মরি রাধিকার ছঃখ, হইও স্মখে বিমুখ—
 মহৎ যে পরছঃখে ছঃখী সে সৃজন !

৮

উতরিবে যবে যথা রাধিকারমণ,
 মোর দূত হয়ে,
 কহিও গোকুল কাঁদে হারাইয়া শ্যামচাঁদে—
 রাধার রোদনধ্বনি দিও তাঁরে লয়ে ;
 আর কথা আমি নারী শরমে কহিতে নারি,—
 মধু কহে, ব্রজাঙ্গনে, আমি দিব করে ।

১০

বাঁশীধ্বনি

১

কে ও বাজাইছে বাঁশী, স্বজনি,
মুহু মুহু স্বরে নিকুঞ্জবনে ?
নিবার উহারে ; শুনি ও ধ্বনি
দ্বিগুণ আগুন অলে লো মনে ?
এ আগুনে কেনে আহুতি দান ?
অমনি নারে কি জ্বালাতে প্রাণ ?

২


বসন্ত অস্তে কি কোকিলা গায়
পল্লব-বসনা শাখা-সদনে ?
নীরবে নিবিড় নীড়ে সে যায়--
বাঁশীধ্বনি আজি নিকুঞ্জবনে ?
হায়, ও কি আর গীত গাইছে ?
না হেরি শ্যামে ও বাঁশী কাঁদিছে ?

৩

শুনিয়াছি, সহ, ইন্দ্র রুষিয়া
গিরিকুল-পাখা কাটিলা যবে,
সাগরে অনেক নগ পশিয়া
রহিল ডুবিয়া—অলমিভবে ।
সে শৈল সকল শির উচ্চ করি
নাশে এবে সিদ্ধগামিনী তরী ।

৪

কে জানে কেমনে প্রেয়সাগরে
বিচ্ছেদ-পাহাড় পশিল আসি ?



কার প্রেমতরী মাশ না করে—
 ব্যাধ বেন পাখী পাতিয়া কাঁসি—
 কার প্রেমতরী মগনে না জলে
 বিচ্ছেদ-পাহাড়—বলে কি ছলে !

৫

হায় লো সখি, কি হবে অরিলে
 গভ সুখ ? তারে পাব কি আর ?
 বাসি ফুলে কি লো সৌরভ মিলে
 ভুলিলে ভাল যা—অরণ তার ?
 মধুরাজে ভেবে নিদাঘ-জ্বালা,
 কহে মধু, সহ, ব্রজের বালা !

১১

গোধূলি

১

কোথা রে রাখাল-চূড়ামণি ?
 গোকুলের গাভীকুল, দেখ, সখি, শোকাকুল,
 না শুনে সে মুরলীর ধ্বনি !
 ধীরে ধীরে গোষ্ঠে সবে পশিছে নীরব,—
 আইল গোধূলি, কোথা রহিল মাধব !

২

আইল লো ভিমির যামিনী ;
 তরুড়ালে চক্রবাকী বসিয়া কাদে একাকী—
 কাদে যথা রাধা বিরহিণী !
 কিন্তু নিশা অবসারে হাসিবে সুন্দরী ;
 আর কি পোহাবে কহু মোর বিতাবরী ?

ওই দেখ উদিয়ে পদনে—

জগত-জন-রজন—

সুখাংগু রজনীধন,

প্রেমদা কুসুমী হালে প্রক্লিষ্ট মনে ;

কলঙ্কী শশাঙ্ক, সখি, ভোবে লো নয়ন—

ব্রজ-নিফলক-শশী চুরি করে মন ।

৪

হে শিশির, নিশার আসার !

তিত্ৰিও না ফুলদলে

ব্রজে আজি তব জলে,

বৃথা ব্যয় উচিত গো হয় না নোমার ;

রাধার নয়ন-বারি বরি অবিরল,

ভিজাইবে আজি ব্রজে—যত ফুলদল !

৫

চন্দনে চচ্চিয়া কলেবর,

পরি নানা ফুলসাজ,

লাজের মাথায় বাজ ;

মজায় কামিনী এবে রসিক নাগর ;

তুমি বিনা, এ বিরহ, বিকট মূর্তি,

কারে আজি ব্রজাঙ্গনা দিবে প্রেমারতি ?

৬

হে মন্দ মলয় সমীরণ,

সৌরভ ব্যাপারী তুমি,

ত্যজ আজি ব্রজভূমি—

অগ্নি যথা জলে তথা কি করে চন্দন ?

যাও হে, মোদিত কুবলয় পরিমলে,

সুড়াও সুরতরাস্ত লীলভিনী বলে ।

যাও চলি, বাহু-কুলপতি,
কোকিলার পঞ্চস্বর বহু তুমি নিরন্তর—
ব্রজে আজি কাঁদে যত ব্রজের যুবতী !
মধু ভণে, ব্রজাঙ্গনে, করো না রোদন,
পাবে বঁধু—অঙ্গীকারে ত্রীমধুসূদন

১২

গোবর্দ্ধন গিরি

১

নমি আমি, শৈলরাজ, তোমার চরণে—
রাধা এ দাসীর নাম—গোকুল গোপিনী ;
কেনে যে এসেছি আমি তোমার সদনে—
শরমে মরমকথা কহিব কেমনে,
আমি, দেব, কুলের কামিনী !
কিন্তু দিবা অবসানে, হেরি তারে কে না জানে,
নলিনী মলিনী ধনি কাহার বিহনে—
কাহার বিরহানল তাপে তাপিত সে সরঃ-
সুশোভিনী ?

২

হে গিরি, যে বংশীধর ব্রজ-দিবাকর,
ত্যজি আজি ব্রজধাম গিয়াছেন তিনি ;
নলিনী নহে গো দাসী রূপে, শৈলেশ্বর,
তবুও নলিনী যথা ভজে প্রভাকর,
ভজে শ্রামে রাধা অঙ্গাগিনী !
হারায়ে এ হেন ধনে, অধীর হইয়া মনে,
এসেছি ভব চরণে কাঁদিতে, ভুবর,

কোথা মম শ্রাম গুণমণি ? মণিহারী
আমি গো কদিনী !

৩

রাজ্য তুমি ; বনরাজী ব্রততী ভূষিত,
শোভে কিরীটের রূপে তব শিরোপরে ;
কুসুম রতনে তব বসন খচিত ;
সুন্দর প্রবাহ—যেন রঞ্জতে রঞ্জিত—
তোমার উত্তরী রূপ ধরে ;

করে তব তরুবলী, রাজদণ্ড, মহাবলি,
দেহ তব কুলরঞ্জে সদা ধূসরিত ;—
অসীম মহিমাধর তুমি, কে না তোমা পূজে
চরাচরে ?

৪

ব্রহ্মাঙ্গনা কুরঙ্গিনী তোমার কিঙ্করী ;
বিহঙ্গিনী দল তব মধুর গায়িনী ;
যত বননারী তোমা সেবে, হে শিখরি,
সতত তোমাতে রত বসুধা সুন্দরী—
তব প্রেমে বাঁধা গো মেদিনী !

দিবাভাগে দিবাকর তব, দেব, হৃত্রধর
নিশাভাগে দাসী তব সূতারী শর্করী !
তোমার আশ্রয় চায় আজি রাখা, শ্রাম-
প্রেম-ভিখারিণী !

যবে দেবকুলপতি রুষি, মহীধর,
বরবিল্য ব্রহ্মধামে প্রলয়ের বারি,—
যবে শত শত ভীমমূর্ত্তি মেঘবর
গরজি গ্রাসিলা আসি দেব দিবাকর,
বারণে যেমনি বারণারি,—

হুত্র সম তোমা ধরি রাখিলা যে ব্রজে হরি,
 নে ব্রজ কি ভুলিলা গো আঁজি ব্রজেশ্বর ?
 রাখার নরনজলে এবে ডোবে ব্রজ ! কোথা
 বংশীধারী ?

৬

হে ধীর ! শরমহীন ভেবো না রাখারে—
 অসহ যাতনা দেব, সহিব কেমনে ?
 ডুবি আমি কুলবালা অকূল পাথারে,
 কি করে নীরবে রবো শিখাও আমারে—
 এ মিনতি তোমার চরণে ।
 কুলবতী যে রমণী, লজ্জা তার শিরোমণি—
 কিন্তু এবে এ মনঃ কি বুঝিতে তা পারে !
 মধু কহে, লাজে হানি বাজ, ভজ, বামা,

১৩

সারিকা

১

ওই যে পাখীটি, সখি, দেখিছ পিঞ্জরে রে,
 সতত চঞ্চল,—
 কভু কাঁদে, কভু গায়, যেন পাগলিনী-প্রায়,
 জলে যথা জ্যোতিবিন্দু—তেমতি তরল !
 কি ভাবে ভাবিনী যদি বুঝিতে, স্বজনি,
 পিঞ্জর ভাঙিয়া ওরে ছাড়িতে অমনি !

২

নিজে যে হুঃখিনী, পরহুঃখ বুঝে সেই রে,
 কহিছ তোমারে ;—

আজিও পাখীর মনঃ বুঝি আমি বিলক্ষণ—
 আমিও বন্দী লো আজি ব্রজ-কারাগারে !
 সারিকা অধীর ভাবি কুসুম-কানন,
 রাধিকা অধীর ভাবি রাধা-বিনোদন !

৩

বনবিহারিণী ধনী বসন্তের সখী রে—
 শুকের সুখিনী ?
 বলে ছলে ধরে তারে, বাঁধিয়াছ কারাগারে
 কেমনে ধৈর্য ধরি রবে সে কামিনী ?
 সারিকার দশা, সখি, ভাবিয়া অন্তরে
 রাধিকারে বেঁধে না লো সংসার-পিঞ্জরে !

৪

ছাড়ি দেহ বিহঙ্গীরে মোর অনুরোধে রে—
 হইয়া সদয় ।
 ছাড়ি দেহ যাক্ চলি, হাসে যথা বনশ্রলী—
 শুকে দেখি সুখে ওর জুড়াবে হৃদয় !
 সারিকার ব্যথা সারি, ওলো দিয়াবতি,
 রাধিকার বেড়ি ভাঙ—এ মম মিনতি ।

৫

এ ছার সংসার আজি, আঁধার, স্বজনি রে—
 রাধার নয়নে !
 কেন তবে মিছে তারে রাখ তুমি এ আঁধারে—
 সফরী কি ধরে প্রাণ বারির বিহনে ?
 দেহ ছাড়ি, বাই চলি যথা বনশ্রলী ;
 লাগুক কুলের মুখে কলঙ্কের কালি !

ভাল যে বাসে, স্বজনি, কি কাজ তাহার রে
কুলমান ধনে ?

শ্রামপ্রেমে উদাসিনী রাধিকা শ্রাম-অধীনী—
কি কাজ তাহার আজি রত্ন আভরণে ?
মধু কহে, কুলে ভুলি কর লো গমন—
শ্রীমধুসূদন, ধনি, রসের সদন !

১৪

কৃষ্ণচূড়া

১

এই যে কুসুম শিরোপরে, পরেছি যতনে,
মম শ্রাম-চূড়া-রূপ ধরে এ ফুল রতনে !
বসুধা নিজ কুস্তলে পরেছিল কুতূহলে
এ উজ্জল মণি,
রাগে তারে গালি দিয়া, লয়েছি আমি কাড়িয়া—
মোর কৃষ্ণ-চূড়া কেনে পরিবে ধরণী ?

২

এই যে কত মুকুতাফল, এ ফুলের দলে,—
হে সখি, এ মোর আখিজল, শিশিরের ছলে !
লয়ে কৃষ্ণচূড়ামণি, কাঁদিছ আমি, স্বজনি,
বসি একাকিনী,
তিতিম্বু নয়ন-জলে ; সেই জল এই দলে
গলে পড়ে শোভিতেছে, দেখ্ লো কামিনি !

৩

পাইয়া এ কুসুম রতন—শোন্ লো সুবতি,
প্রাণহরি করিছ স্মরণ—স্বপনে যেমতি !

দেখিছু রূপের রাশি মধুর অধরে বাঁধি,
কদমের তলে,
গীত ধড়া স্বর্ণরেখা, নিকষে বেন লো লেখা,
কুঞ্জশোভা বরকুঞ্জমালা দোলে গলে !

৪

মাধবের রূপের মাধুরী, অতুল ভুবনে—
কার মনঃ নাহি করে চুরি, কহ, লো ললনে ?
যে ধন রাখায় দিয়া, রাখার মনঃ কিনিয়া
লয়েছিল হরি,
সে ধন কি শ্রামরায়, কেড়ে নিলা পুনরায় ?
মধু কহে, তাও কতু হয় কি, সুন্দরি ?

১৫

নিকুঞ্জবনে

১

যমুনা পুলিনে আমি ত্রমি একাকিনী,
হে নিকুঞ্জবন,
না পাইয়া ব্রজেশ্বরে, আইছু হেথা সখরে,
হে সখে, দেখাও মোরে ব্রজের রঞ্জন !
সুধাংগু সুধার হেতু, বাঁধিয়া আশার সেতু,
কুমুদীর মনঃ যথা উঠে গো গগনে,
হেরিতে মুরলীধর— রূপে যিনি শশধর—
আসিয়াছি আমি দাসী তোমার সদনে—
তুমি হে অম্বর, কুঞ্জবর, তব চাঁদ নন্দের নন্দন !

২

তুমি জান কত ভাল বাসি শ্রামধনে
আমি অভাগিনী ;

তুমি জান, হুতাকন, হে কুঙ্কুল রাজন,
 এ দাসীরে কত ভাল বাসিতেন তিনি !
 তোমার কুসুমালয়ে যবে গৌ অতিথি হয়ে,
 বাজারে বাঁশরী ব্রজ মোহিত মোহন,
 তুমি জান কোন ধনী শুনি সে মধুর ধ্বনি,
 অমনি আসি সেবিত ও রাঙা চরণ,
 যথা শুনি জলদ-নিনাদ ধায় রড়ে প্রমদা শিখিনী ।

৩

সে কালে—জলে রে মনঃ স্মরিলে সে কথা,
 মঞ্জু কুঞ্জবন,—
 ছায়া তব সহচরী সোহাগে বসাতো ধরি
 মাধবে অধীনী সহ পাতি ফুলাসন ;
 মুঞ্জরিত তরুবলী, গুঞ্জরিত যত অলি,
 কুসুম-কামিনী তুলি ঘোমটা অমনি,
 মলয়ে সৌরভধন বিতরিত অমুস্কণ,
 দাতা যথা রাজেন্দ্রনন্দিনী—গঙ্গামোদে
 মোদিয়া কানন !

৪

পঞ্চম্বরে কত যে গাইত পিকবর
 মদন-কীর্তন,—
 হেরি মম শ্রাম-ধন ভাবি তারে নবঘন,
 কত যে নাচিত সুখে শিখিনী, কানন,—
 ভুলিতে কি পারি তাহা, দেখেছি শুনেছি যাহা ?
 রয়েছে সে সব লেখা রাখিকার মনে ।
 নলিনী ভুলিবে যবে রবি-দেবে, রাখা তবে
 ভুলিবে, হে মঞ্জু কুঞ্জ, ব্রজের রঞ্জে ।
 হার রে, কে জানে যদি ভুলি যবে আসি
 গ্রাসিরে শমন ।

৫

কহ, সখে, জান যদি কোথা গুণমণি—

রাধিকারমণ ?

কাম-বঁধু যথা মধু তুমি হে শ্রামের বঁধু,

একাকী আজি গো তুমি কিসের কারণ,—

হে বসন্ত, কোথা আজি তোমার মদন ?

তব পদে বিলাপিনী কাঁদি আমি অভাগিনী,

কোথা মম শ্রামমণি—কহ কুঞ্জবর !

তোমার হৃদয়ে দয়া, পদে যথা পদ্মালয়া,

বধো না রাখার প্রাণ না দিয়া উত্তর !

মধু কহে, শুন ব্রজাঙ্গনে, মধুপুরে শ্রীমধুসূদন !

১৬

সখী

১

কি কহিলি কহ, সই, শুনি লো আবার—

মধুর বচন !

সহসা হইলু কালা ; জুড়া এ প্রাণের আলা,

আর কি এ পোড়া প্রাণ পাবে সে রতন ?

ছাদে তোর পায় ধরি, কহ না লো সত্য করি,

আসিবে কি ব্রজে পুনঃ রাধিকারমণ ?

২

কহ, সখি, ফুটিবে কি এ মরুভূমিতে

কুসুমকানন ?

জলহীনা স্রোতশ্রুতী, হবে কি লো জলবতী,

পন্নঃ সহ পন্নোদে কি বহিবে পবন ?

ছাদে তোর পায় ধরি, কহ না লো সত্য করি,
আসিবে কি ব্রজে পুনঃ রাধিকারজন ?

৩

হায় লো সয়েছি কত, শ্রামের বিহনে—
কতই যাতন ।

যে জন অন্তরযামী সেই জানে আর আমি,
কত যে কেঁদেছি তার কে করে বর্ণন ?
ছাদে তোর পায় ধরি, কহ না লো সত্য করি,
আসিবে কি ব্রজে পুনঃ রাধিকামোহন ।

৪

কোথা রে গোকুল-ইন্দু, বৃন্দাবন-সর-
কুমুদ-বাসন !

বিষাদ নিশ্বাস বায়, ব্রজ, নাথ, উড়ে যায়,
কে রাধিবে, তব রাজ, ব্রজের রাজন !
ছাদে তোর পায় ধরি, কহ না লো সত্য করি,
আসিবে কি ব্রজে পুনঃ রাধিকাভূষণ !

৫

শিখিনী ধরি, স্বজনি, গ্রাসে মহাকণী—
বিষের সদন !

বিরহ বিষের তাপে শিখিনী আপনি কাঁপে,
কুলবালা এ আলায় ধরে কি জীবন !
ছাদে তোর পায় ধরি, কহ না লো সত্য করি,
আসিবে কি ব্রজে পুনঃ রাধিকারজন !

৬

এই দেখ্ ফুলমালা গাঁথিয়াছি আমি—
চিকণ গাঁথন ।

দোলাইব শ্রামগলে, বাধিব বঁধুরে হলে—
 প্রেম-কুল-ডোরে তাঁরে করিব বন্ধন !
 ছাদে তোর পায় ধরি, কহ না লো সত্য করি,
 আসিবে কি ব্রজে পুনঃ রাধাবিনোদন ।

৭।

কি কহিলি কহ, সই, শুনি লো আবার—
 মধুর বচন ।

সহসা হইলু কালী, জুড়া এ প্রাণের আলা
 আর কি এ পোড়া প্রাণ পাবে সে রতন !
 মধু—যার মধুধ্বনি— কহে কেন কাঁদ, ধনি,
 ভুলিতে কি পারে তোমা শ্রীমধুসূদন ?

১৭

বসন্তে

১

ফুটিল বকুলকুল কেন লো গোকূলে আজি,
 কহ তা, স্বজনি ?
 আইলা কি ঋতুরাজ ? ধরিল কি ফুলসাজ,
 বিলাসে ধরণী ?
 মুছিয়া নয়ন-জল, চল লো সকলে চল,
 শুনিব তমাল তলে বেগুর সুরব ;—
 আইল বসন্ত যদি, আসিবে মাধব !

২

যে কালে ফুটে লো কুল, কোকিল কুহরে, সই,
 কুম্ভকাননে,

সুজরয়ে তরুবলী, গুঞ্জরয়ে সুখে আলি,
 প্রেমামন্দ মনে,
 সে কালে কি বিনোদিয়া, প্রেমে কলাঞ্জলি দিয়া,
 তুলিতে পারেন, সখি, গোকুলভবন ?
 চল লো নিকুঞ্জবনে পাইব সে ধন !

৩

স্বন, স্বন, স্বনে শুন, বহিছে পবন, সই,
 গহন কাননে,
 হেরি শ্রামে পাই শ্রীভ, গাইছে মঙ্গল গীত,
 বিহঙ্গমগণে ।
 কুবলয় পরিমল, নহে এ ; স্বজনি, চল,—
 ও সুগন্ধ দেহগন্ধ বহিছে পবন !
 হায় লো, শ্রামের বপুঃ সৌরভসদন !

৪

উচ্চ বীচি রবে, শুন, ডাকিছে যমুনা ওই
 রাধায়, স্বজনি ;
 কল কল কল কলে, সুতরঙ্গ দল চলে,
 যথা গুণমণি ।
 সুধাকর-কররাশি সম লো শ্রামের হাসি,
 শোভিছে তরল জলে ; চল, হরা করি—
 তুলি গে বিরহ- লা হেরি প্রাণহরি !

৫

ভ্রমর গুঞ্জরে যথা ; গান পিকবর, সই,
 সুমধুর বোলে ;
 মরমরে পাভাদল ; মৃচ্ছরবে বহে জল
 মলয়-হিল্লোলে ;—

কুসুম-সুবতী হাসে, মোদি দশ দিশ বাসে,—
 কি সুখ লাভিব, সখি, দেখ ভাবি মনে,
 পাই যদি হেন স্থলে গোকুলরতনে ?

৬

কেন এ বিলম্ব আজি, কহ ওলো সহচরি,
 করি এ মিনতি ?

কেন অধোমুখে কাঁদ, আবরি বদনচাঁদ,
 কহ, রূপবতি ?

সদা মোর সুখে সুখী, তুমি ওলো বিধুমুখি,
 আজি লো এ রীতি তব কিসের কারণে ?
 কে বিলম্বে হেন কালে ? চল কুঞ্জবনে !

৭

কাঁদিব লো সহচরি, ধরি সে কমলপদ,
 চল, স্বরা করি,

দেখিব কি মিষ্ট হাসে, শুনিব কি মিষ্ট ভাষে,
 তোষেন শ্রীহরি

দুঃখিনী দাসীরে ; চল, হইলু লো হতবল,
 ধীরে ধীরে ধরি মোরে, চল লো স্বজনি ;—
 সুখে মধু শূণ্ড কুঞ্জে কি কাজ, রমণি ?

১৮

বসন্তে

১

সখি রে,—

বন আভি রমিত হইল ফুল ফুটনে !

পিককুল কলকল, চঞ্চল অলিদল,

উহলে সুরবে জল,

চল লো বনে !

চল লো, জুড়াব আঁখি দেখি ব্রজরমণে !

২

সখি রে,—

উদয় অচলে উষা, দেখ, আসি হাসিছে !

এ বিরহ বিভাবরী কাটানু ধৈরজ ধরি

এবে লো রব কি করি ?

প্রাণ কাঁদিছে !

চল লো নিকুঞ্জে যথা কুঞ্জমণি নাচিছে !

৩

সখি রে,—

পূজে ঋতুরাজে আজি ফুলজালে ধরনী !

ধূপরূপে পরিমল, আমোদিছে বনস্থল,

বিহঙ্গমকুলকল,

মঙ্গল ধ্বনি !

চল লো, নিকুঞ্জে পূজি শ্রামরাজে, স্বজনি !

৪

সখি রে,—

পাণ্ডুরূপে অশ্রুধারা দিয়া ধোব চরণে !

ছই কর কোকনদে, পূজিব রাজীব পদে ;

শ্বাসে ধূপ, লো প্রমদে,

ভাবিয়া মনে !

কঙ্কণ কিঙ্কণী কনি বাজিবে লো সঘনে ।

৫

সখি রে,—

এ যৌবন ধন, দিব উপহার রমণে !

ভালে যে সিন্দূরবিন্দু, হইবে চন্দনবিন্দু ;—

দেখিব লো দশ ইন্দু

সুনখগণে !

চিরপ্রেম বর মাগি লব, ওলো ললনে !

৬

সখি রে,—

বন অতি রমিত হইল ফুল ফুটনে !

পিককুল কলকল,

চঞ্চল অলিদল,

উছলে সুরবে জল,

চল লো বনে !

চল লো, জুড়াব আঁখি দেখি—মধুসুদনে !

ইতি ব্রজাঙ্গনা কাব্যে বিরহো নাম

প্রথমঃ সর্গঃ ।

ব্রজাঙ্গনা কাব্য

অসম্পূর্ণ দ্বিতীয় সর্গ

[বিহার]

“মধুসূদন ব্রজাঙ্গনার জন্ত “বিহার” নামক আরও এক সর্গ লিখিতে আরম্ভ করিয়াছিলেন, কিন্তু তাহা সম্পূর্ণ হয় নাই।...” (‘মাইকেল মধুসূদন দত্তের জীবন-চরিত,’ ১ম সংস্করণ, বঙ্গাব্দ ১৩০০, পৃ. ৩৬৩)। প্রথম সর্গের এই কয়েক পংক্তি একখানি পুস্তকের মলাটের পৃষ্ঠায় লেখা ছিল।—‘মধু-স্মৃতি’, (১৩২৭), পৃ. ২৩৩-৩০০
ব্রজাব্য।

১

সাজ, সাজ ব্রজাঙ্গনে, রঙ্গে ঘরা করি ।
মগি, মুক্তা পর কেশে, মেখলা লো কটিদেশে,
বাঁধ লো নূপুর পায়ে, কুসুমে কবরী ॥
লেপ সূচন্দন দেহে, কি সাধে রহিবে গেহে ?
ওই গুন, পুনঃ পুনঃ বাজিছে বাঁশরী ॥

২

নাচিছে লো নিতম্বিনি, কদম্বের তলে ।
শিখণ্ড-মণ্ডিত-শির, ধীরে ধীরে শ্যাম ধীর,
হুলিছে লো, বরগুঞ্জমালা বর-গলে ।
মেঘ সনে সৌদামিনী— সম রূপে, লো কামিনি,
ঝলে পীতধড়া-রূপে বল বল বলে ॥

৩

হৃদে কুমুদিনী এবে প্রফুল্ল ললনে,
তব আশা-শশী আসি, শোভিছে নিকুঞ্জে হাসি,
কেন মৌনব্রতে তুমি শূন্য নিকেতনে ॥
দেব-দৈত্য মিলি বলে, মথিলা সাগর-জলে,
যে সুধার লোভে, তাহা লভিবে স্নানরি ।
সুধামাধা বিদ্বাধরে, আছে সুধা তব তরে,
যাও নিতম্বিনি, তুমি অবিলম্বে বনে !

পরিদৃষ্ট

ছন্দ শব্দ ও বাক্যাংশের ব্যাখ্যা

ব্রজাঙ্গনা—মধুসূদন ব্রজাঙ্গনা বলিতে বিশেষভাবে রাধাকে বুঝাইয়াছেন। ভূমিকায় উদ্ধৃত তাঁহার পত্র দ্রষ্টব্য। এই কাব্যের আখ্যাপত্রে মধুসূদন শ্রীকৃষ্ণচন্দ্র শর্মা-বিরচিত বিখ্যাত সংস্কৃত কাব্য 'পদাকদূতম্'-এর প্রথম শ্লোকটি অংশতঃ উদ্ধৃত করিয়াছেন। সম্পূর্ণ শ্লোকটি এইরূপ—

গৌপীতর্জুবিরহবিধুরা কাচিদ্দিনীবরাকী
উন্নত্বেব স্থলিতকবরী নিঃশব্দী বিশালম্ ।
তন্মুদ্রবাস্তে মুররিপুরিতি ভ্রান্তিদূতীসহায়
ভ্যক্ত,। গেহং ঝটিতি যমুনামল্লুকুং জগাম ॥

ইহার অর্থ—কোনও পদপলাশলোচনা গৌপীনাথের বিরহে অধীর হইয়া পাগলের মত স্থলিতকবরী অবস্থায় দীর্ঘনিঃশ্বাস ফেলিতে ফেলিতে মুররিপু [কৃষ্ণ] সেখানে আছেন, এইরূপ ভ্রান্ত বিখ্যাতের বশবর্তী হইয়া ক্রম গৃহ পরিত্যাগ করিয়া যমুনা-তীরের মল্লুকুং গমন করিলেন।

এই বিরহোন্নতা রাধিকার দশভেদ দেখাইয়া 'ব্রজাঙ্গনা কাব্যের' ১৮টি কবিতা রচিত। বিরহবিধুরা ভ্রান্তিদূতীসহায় ও উন্নতা, এই তিনটি বিশেষণ 'ব্রজাঙ্গনার' রাধিকার প্রতি বিশেষভাবে প্রযোজ্য।

১ : ২। কমল-কাননে—কমল-কাননে। এই কাব্যে মধুসূদন বহু স্থলেই সমাসবদ্ধ অথবা যুক্ত পদগুলিকে (compound words) পৃথক্ রাখিয়াছেন, জুড়িয়া দেন নাই অথবা হাইফেন প্রয়োগ করেন নাই। এ যুগের পাঠকদের অর্থবোধের অসুবিধা হইবে বিবেচনার আমরা কোন কোন স্থলে হাইফেন প্রয়োগ করিয়াছি।

শব্দ-অরি—শব্দরাহুরকে নিধনকারী কান, মনন।

৩। কেন—মধুসূদন প্রথম কবিতায় "কেন" লিখিয়াছেন, এই কাব্যের অন্তর্গত "কেনে" প্রয়োগেরই বাহুল্য।

শরমের ফাঁসি—লজ্জার বাঁধন।

ঘন—মেঘ।

৪। ছয় ঋতু বরে বারে—শীত, গ্রীষ্ম প্রভৃতি ছয়টি ঋতু বাহাকে বরণ করে; পৃথিবী। ঋতুগুলিকে পৃথিবীর স্বামী বলা হয়।

৫। নিশি রূপবতী—নিশি রূপবতী [ছন্দ]।

৬। কালে পিও—বথাকালে পান্নি করিও।

- ২ : ১। সুপক-বহ-বাহন—সুপকবহ বায়ু বাহার বাহন অর্থাৎ বেব। ইন্দ্র-চাপ—
ইন্দ্রধনু, রানবহু।
- ৩। অলম-কিছরী—মেঘের প্রায়নী চাঁতকিনী।
- ৪। রত্নচূড়া—রতন চূড়া।
- ৫। আখণ্ডল-ধনু—ইন্দ্রধনু।
- ৩ : ২। তেঁই—সেই কারণে।
কাদম্বিনী—মেঘ।
শৈলনাথ-কাকন-ভবনে—পর্বতের সুবর্ণ-পুরীতে অর্থাৎ পাহাড়ে।
সেও রাজার নন্দিনী—রাধাও রাজা বৃকতাহুর কন্যা।
- ৩। তিতিছে—ভিজিছে।
- ৪। সাদ—সাধ।
- ৫। গোপিলে—গোপন করিলে।
- ৮। অর্পণ সাগর-করে তিনি তব পাণি—যমুনা গঙ্গার গিয়া মিশিয়াছে এবং
গঙ্গার জল সাগরে বাইতেছে; কবি বলিতেছেন, গঙ্গার (হৃৎপ্রিয়া
মন্দাকিনী) যেন যমুনার হাতে সাগরকে অর্পণ করিতেছে।
- ২। তারামর হার...শিরে ধরি—তারা ও চন্দ্রের প্রতিবিম্বপাতে।
- ১০। যেমনি—যেমন।
- ৪ : ২। ঘনে—মেঘে।
- ৩। শক্রধনু—ইন্দ্রধনু।
বিজলী কনক নাম—বিজলী-কনক-নাম, বিজ্ঞানরূপ স্বর্ণমর হার।
- ৫ : ১। বৈদেহী—সীতা।
বাহুকি-রমণি—বাহুকি-রমণী, পৃথিবী।
- ২। অভাগা—“অভাগী” লক্ষ্য পাঠ।
ঋতুকামিনি—ঋতুকামিনী, পৃথিবী।
- ৩। শরীর হৃদয়ে অগ্নি জলে—শরীরের অভ্যন্তরে অগ্নি জলে; অগ্নির বৈদিক
নাম শরীরগর্ভ।
জীবন বৌবনতাপে হারাত তাপিনী—“বৌবনতাপে” ছাপার তুল, দুইটি
সংস্করণেই এইরূপ আছে। “বৌবন তাপে” হইবে। অর্ধ—উত্তাপে
জীবন ও বৌবন, দুই-ই হাবাইত।
হুহে—উত্তরকে।
- ৪। ঋতুকুলপতি—বলন্ত।
তাহার বিরহ হৃৎখ—তাহার লহিত হোবার বিরহহৃৎখ, বলন্তের অভাবে
ধরণীর বিরহহৃৎখ।

- ৫। অনন্ত,.....ধরে—অনন্ত ও সমুদ্র, পৃথিবীর এই দুই পতি।
মধুবিলাসিনী—বসন্তবিলাসিনী।
- ৬। কালে—বধাকালে।
- ৬ : ২। কোপে—সুপিত হর।
উভয়—উভয়ে।
- ৩। আকাশ-নন্দিনি—আকাশ-নন্দিনী; পুত্র হইতে মধুখিতা প্রতিধ্বনি।
নিরাকারা ভারতি—নিরাকারা ভারতী, প্রতিধ্বনি।
- ৫। আকাশসম্বন্ধে—আকাশ-সম্বন্ধে, প্রতিধ্বনি।
- ৭। ছল—কৌতুক।
- ৭ : ১। বরসরোজিনী—মনোহর পদ্ম।
- ২। ঐধা—অহু।
- ৪। মুহূর্ত্তা-কুণ্ডলে—শিশিরবিন্দু ধারা।
- ৮ : ১। বডনে—বদ্ব করে।
- ৬। মলি ব্রজবন—এই পংক্তিতে ছন্দপতনবোঝা ঘটরাছে। পাঁচ অক্ষর ঠাকা
উচিত ছিল।
- ৯ : ১। গাছে বিভাধরী বধা—“বধা”র পরে একটি কমা-চিহ্ন বসিলে অর্থসঙ্গতি হয়।
কমলা জিনি—কমলাকে পরাস্ত করিয়াছে যে।
- ৩। তুল্য—উপযুক্ত।
- ৫। রাধিকা-বাসন—রাধিকা-বাছা।
- ৬। দেব কুহুম সুবতী—মুদ্রাকর প্রবাদ। “দেব, কুহুম-সুবতী” হইবে।
- ৭। কিরে—দিব্য।
করে—করিয়া।
- ৮। আর কথা—অন্ত কথা।
- ১০ : ১। অবনি—সাহায্য ব্যতিরেকে, আহতি ছাড়াও।
- ৪। ব্যাধ যেন পাখী পাতিয়া কাঁসি—যেন=যেমন; ব্যাধ যেমন কাঁসি পাতিয়া
পাখী ধরে, তেমনই।
সগনে না—তোষে না।
- ৫। স্মরণ তার ?—স্মরণ তার কি প্রয়োজন ?
মধুরাজ—বার্ষক, বসন্ত ও শ্রীকৃষ্ণ।
- ১১ : ৩। ব্রজ-নিকলক-শব্দী—ব্রজের নিকলক শব্দী, শ্রীকৃষ্ণ।
- ৪। ভিত্তিও না—ভিত্তাইও না।
- ৬। বোধিত—পছন্দাযোচিত।
কুবলয়—কুব্জী

- ১২ : ১। সর-হৃশোভিনি—নগিনী অর্থে।
 ২। রূপে—রূপের বিচারে।
 বধা—বেশন।
 ৩। রঞ্জিত—রঞ্জিত।
 তরুবলী—তরুশ্রেণী (মধুকুন্দনের প্রয়োগ)।
 ৪। হুতারা—তারা-হৃশোভিত
 ৫। বারণে—হস্তীকে।
 বারণারি—সিংহ।
 ৬। করে—করিয়া।
- ১৩ : ১। তরল—চঞ্চল, চপল।
 কি ভাবে ভাবিনী—কোন ভাবে ভাবাধিত।
 ৪। সারি—সারাইয়া।
 বেড়ি—শৃঙ্খল।
- ১৪ : ২। গলে পড়ে—গলে পড়ে, গলিয়া পড়িয়া।
 ৩। কুঞ্জ শোভা—কুঞ্জ-শোভা।
 ৪। যে ধন—শ্রেয়-ধন।
- ১৫ : ১। তুমি হে অম্বর—আকাশের সহিত কুঞ্জের তুলনা করা হইয়াছে।
 ২। হে কুঞ্জকুল রাজন—হে কুঞ্জকুল-রাজন।
 মোহিত—মুগ্ধ করিত।
 রড়ে—ক্রম গতিতে।
 ৩। তুলি ঘোষটা—বিকশিত হইয়া।
 ৪। রবি-দেবে—সূর্য্যদেবকে।
 ৫। কাম-বঁধু বধা মধু—বসন্ত বেশন মননের বন্ধু।
 পদ্মালয়া—সন্দী।
- ১৬ : ৪। বৃন্দাবন-সর-কুম্ভ-বাসন—বৃন্দাবনরূপ সরোবরের কুম্ভ, তাহার বাসন বা বাহিত।
- ১৭ : ৩। পাই—পাইয়া।
 কুবলয়—নগিনী, পদ্ম।
 ৭। হৃদে—শুধার, প্রের করে।
- ১৮ : ১। রমিত—আনন্দিত।
 ৩। ফুলজালে—পুষ্পস্তবকে।